



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

Synodvs Episcoporvm, Qvi In ciuitatae Arelatensium apud Marinum
Episcopum Ecclesiae Catholicae, temporibus Constantini Augusti,
Volusiano & Anniano coss. conuenerunt.

urn:nbn:de:hbz:466:1-15072

Synodi eiusdem editio vulgata, solos Canones & Episcoporum nomina complectens, cum breuiario epistolæ suprascriptæ.

SYNODVS EPISCOPORVM, QVI IN ciuitate Arelatensium apud Marinum Episcopum Ecclesiarum Catholicae, temporibus Constantini Augusti, Volusiano & Anniano coss. conuenerunt.

TITVLICANONVM.

- I. *Vt uno die & tempore Pascha celebretur.*
- II. *Vt ubi quisque ordinatur, ibi permaneat.*
- III. *Vt qui in * pace arma prouiciunt, excommunicentur.*
- IV. *Vt aurige, dum agitant, excommunicentur.*
- V. *Vt theatrici, quamdiu agunt, excommunicentur.*
- VI. *Vt in infirmitate conuersimanius impositionem accipiant.*
- VII. *De fidelibus, qui presides sunt, vel rem publicam agere volunt.*
- VIII. *De baptismo eorum qui ab heresi conuertuntur.*
- IX. *Vt qui confessorum literas afferunt, alias accipiant.*
- X. *Vt is cuius uxor adulterauerit, aliam illa uiuente non accipiat.*
- XI. *De puellis quae gentilibus iunguntur.*
- XII. *Vt clerici feneratores excommunicentur.*
- XIII. *De iis qui scripturas sacras, vasa Dominica, vel nomina fratrum tradidisse dicuntur.*
- XIV. *Vt qui falsè accusant fratres suos usque ad exitum excommunicentur.*
- XV. *Vt diacones non offerant.*
- XVI. *Vt ubi quisque fuit excommunicatus, ibi communionem consequatur.*
- XVII. *Vt nullus Episcopus alium conculcet Episcopum.*
- XVIII. *Dediacionibus urbicis, vt sine presbyterorum conscientia nihil agant.*
- XIX. *Vt peregrinis Episcopis locus sacrificandi detur.*
- XX. *Vt sine tribus Episcopis nullus Episcopus ordinetur.*
- XXI. *Vt presbyteri, aut diacones, qui ad alia loca se transferunt, deponantur.*
- XXII. *De apostatis, qui in infirmitate communionem petunt.*

BREVIARIVM EPISTOLÆ.

Domino sanctissimo fratri Silvestro Marini, vel carthus Episcoporum qui adunati fuerunt in oppido Arelatensi.

QVID decreuerimus communis consilio * caritati tuae * caritatiue fig. significamus, ut omnes sciant quid in futurum obseruare debeant.

C A N O N E S.

I.

PRIMO loco^d de obseruatione^e Paschæ Domini, vt vno die & vno tempore per omnem orbem a nobis obseruetur, & iuxta consuetudinem literas ad omnes tu dirigas.

II.

De his qui in quibuscumque locis ordinati fuerint ministri, in ipsis locis perseuerent.

III.

De his qui arma proiiciunt in pace, placuit abstineri eos a communione.

IV.

De agitatoribus qui fideles sunt, placuit eos, quamdiu agitant, a communione separari.

V.

De theatricis, & ipsos placuit, quamdiu agunt, a communione separari.

VI.

De his qui in infirmitate credere volunt, placuit eis debere manum imponi.

VII.

De præsidibus, qui fideles ad præsidatum profiliunt, placuit, vt cum promoti fuerint, literas accipiant Ecclesiasticas communicatorias: ita tamen, vt in quibuscumque locis gesserint, ab Episcopo eiusdem loci cura de illis agatur, & cum cœperint contra disciplinam agere, tum demum a communione excludantur. Similiter & de his qui rempublicam agere volunt.

VIII.

De confec.
ditt. 4. De
Arianis. 7 De * Afris, quod propria lege sua vtuntur vt rebaptizent, placuit vt si ad Ecclesiam aliquis de * hæresi venerit, interrogent eum symbolum; & si peruidenter eum in Patre, & Filio, & Spiritu sancto esse baptizatum, manus ei tantum imponatur, vt accipiat Spiritum sanctum. Quod si interrogatus non responderit hanc Trinitatem, baptizetur.

IX.

De his qui Confessorum literas afferunt, placuit, vt sublatis eis literis alias accipient communicatorias.

X.

Iuo P.VIII.
cap.258. De his qui coniuges suas in adulterio deprehendunt, & iidem sunt adolescentes fideles, & prohibentur nubere, placuit vt inquantum possit consilium eis detur, ne viuentibus vxoribus suis, licet adulteris, alias accipient.

XI.

De puellis fidelibus quæ gentilibus iunguntur, placuit vt aliquanto tempore a communione se-parentur.

XII.

14.q.4.Mi-
nistris qui
fenerant. De ministris qui fenerant, placuit eos iuxta formam diuinitus datam a communione abstineri.

XIII.

* De his qui scripturas sanctas tradidisse dicuntur, vel vasa dominica, vel nomina fratrum suorum, placuit nobis, vt quicumque eorum ex actis publicis fuerit detectus, non verbis nudis, ab ordine cleri amoueatur. Nam si iidem aliquos ordinasse

ANNO
CHRISTI
314. fuerint deprehensi, & de his quos ordinauerint ratio subsistit, non illis obsit ordinatio. Et quoniam multi sunt qui contra Ecclesiasticam regulam pugnare videntur, & per testes redemptos putant se ad accusationem admitti debere, omnino non admittantur, nisi ut supra diximus, actis publicis docuerint*.

XIV.

De his qui falso accusant fratres suos, placuit eos usque ad exitum non communicare.

XV.

De diaconibus quos cognouimus multis locis offerre, placuit minime fieri debere.

XVI.

De his qui pro delicto suo a communione separantur, placuit ut in quibuscumque locis fuerint exclusi, eodem loco communionem consequantur.

XVII.

* concul-
cer. Ut nullus Episcopus alium Episcopū * inculcet. Iuo Part. v.
cap. 228.

XVIII.

De diaconibus urbicis, ut non sibi tantum presumant, sed honorem presbyteris reseruent, ut sine conscientia ipsorum nihil tale faciant.

XIX.

De Episcopis peregrinis qui in urbem solent venire, placuit eis locum dari ut offerant. Iuo Part. v.
cap. 216.

XX.

De his qui usurpant sibi quod soli debeant Episcopos ordinare, placuit ut nullus hoc sibi presumat, nisi assumptis secum aliis septem Episcopis.

Si tamen non potuerit septem , infra tres non au- ANNO
deat ordinare. CHRISTI
314.

XX I.

Iuo P. VI.
cap. 172. De presbyteris , aut diaconibus , qui solent di-
mittere loca sua in quibus ordinati sunt , & ad alia
loca se transferunt , placuit ut eis locis ministrant ,
quibus præfixi sunt. Quod si relictis locis suis ad a-
lium se locum transferre voluerint , deponantur.

XX II.

De his qui apostatant , & nunquam se ad Eccle-
siam repræsentant , ne quidem pœnitentiam agere
quærunt , & postea infirmitate arrepti petunt com-
munionem ; placuit eis non dandam communio-
nem nisi reualuerint , & egerint dignos fructus pœ-
nitentiæ.

¹⁰ Nomina Episcorum cum clericis suis , quinam , & ex quibus
prouinciis ad Arelatensem Synodus conuenerint.

^m C H R E S T V S Episcopus , Florus diaconus , ex ciuitate Syracu-
sanorum , prouincia Sicilia .
Proterius Episcopus , Agrippa & Pinus diacones , de ciuitate Ca-
puensium , prouincia Campania .
Pardus Episcopus , Crescens diaconus , de ciuitate Arpiensium , pro-
uincia Apulia .
Theodorus Episcopus , Agathon diaconus , de ciuitate Aquileiensi ,
prouincia Dalmatia .
Claudianus & Vitus presbyteri , Eugenius & Cyriacus diacones , ex
vrbe Roma misi a Siluestro Episcopo .
Merocles Episcopus , Seuerus diaconus , de ciuitate Mediolanensi ,
prouincia Italia .
Oresius Episcopus , Nazarius lector , de ciuitate Massiliensi , pro-
uincia Viennensi .
Marinus Episcopus , Salamas presbyter , Nicasius , Afer , Vrfinus , &
Petrus , diacones , de ciuitate Arelatensum , prouincia Viennensi .
Verus Episcopus , Bedas exorcista , de ciuitate Viennensi , prouincia
supralcripta .
Dafnius Episcopus , Victor exorcista , de ciuitate Vafenisi , prouincia
Viennensi .

Fausti-

ANNO CHRISTI Faustinus presbyter, de ciuitate Arausicorum, prouincia quæ su-

pra.

Innocentius diaconus, Agapius exorcista, ex portu Nicaensi.

Romanus presbyter, Victor exorcista, de ciuitate Aptensium.

ITEM DE GALLIIS.

Imbetausius Episcopus, Primigenius diaconus, de ciuitate Rhemorum.

Auitianus Episcopus, Nicetius diaconus, de ciuitate Rotomagensium.

Reticius Episcopus, Amandus presbyter, Philomatius diaconus, de ciuitate Augustodunensium.

Vocius Episcopus, Petulinus exorcista, de ciuitate Lugdunensium.

Maternus Episcopus, Macrinus diaconus, de ciuitate Agrippinensis.

¹¹ Genialis diaconus, de ciuitate Gabalum, prouincia Aquitanica.

Orientalis Episcopus, Flauius diaconus, de ciuitate Burdegalensi.

Agroecius Episcopus, Felix exorcista, de ciuitate Treuerorum.

Mamertinus Episcopus, Leontius diaconus, ¹¹ de ciuitate Elostatum.

Eborius Episcopus, de ciuitate Eboracensi, prouincia Britannia.

Restitutus Episcopus, de ciuitate Londinensi, prouincia superscripta.

Adelfius Episcopus, de ciuitate Colonia Londinensem. exinde Sacerdos presbyter, Arminius diaconus.

Liberius Episcopus, Florentius diaconus, de ciuitate Emerita, prouincia Hispania.

Sabinus presbyter, de ciuitate Baetica.

Natalis presbyter, Cytherius diaconus, de ciuitate Vrsolenium.

Probatius presbyter, Castrorius diaconus, de ciuitate Tarracone.

Clementius presbyter, Rufinus exorcista, de ciuitate Cæsaraugusta.

Termatius presbyter, Victor lector, de ciuitate Basticensium.

Fortunatus Episcopus, Deuterius diaconus, de ciuitate Cæsariensi, prouincia Mauritania.

Quintasius Episcopus, Ammonius presbyter, de ciuitate Caralis, prouincia Sardinia.

ITEM PROVINCIA AFRICA.

Cæcilianus episcopus, de ciuitate Carthaginiensi. cum ipso Sperantius diaconus.

Lampadius Episcopus, de ciuitate Utina.

Victor Episcopus, de ciuitate Utica.

Anastasius Episcopus, de ciuitate Beneuentina.

Faustus Episcopus, de ciuitate Tuborbitana.

Surgentius Episcopus, de ciuitate Pocofeltis.

Victor Episcopus, de ciuitate Legisvolumini, prouincia Numidia.

Vitalis Episcopus, de ciuitate Verensium.

Gregorius Episcopus, de loco qui est in portu Romæ.

Epietetus Episcopus, a Centumcellis.

Leontius & Mercurius presbyteri ab Ostiis.

Concil. Tom. 2.

E